

LIEBERKÜHN,

*Medicinae Doctoris, Societatis Scientiarum Regiae Britannicae
& Berolinensis Sodalis,*

DISSERTATIO
ANATOMICO-PHYSIOLOGICA

DE
FABRICA ET ACTIONE VILLORUM
INTESTINORUM TENUIUM

HOMINIS.

Iconibus aeri incisís illustrata.



AMSTELÆDAMI,
Apud JOANNEM SCHREUDER
Et PETRUM MORTIER, Ju-
M.DCCCLX.

Caldani

L. & C.

Di Ranieri Maffei Don

A. CORN. CELSUS, DE MEDICINA Lib. I.

P R A E F A T.

*Ista quoque Naturae rerum contemplatio, quamvis
non faciat Medicum, aptiorem tamen Medi-
cinae reddit.*



J. N. LIEBERKÜHN
DISSERTATIO
ANATOMICA.

DE

*Fabrica & Actione Villorum
Intestinorum tenuium Hominis.*

§. I.

In aperta clotaque quacun-
que tractus intestinorum tenuium parte,
aqua submersa, tota superficies ob-
sita invenitur membranulis con-
cis, pendulis, quarum altera alte-
ram basi sua fere attingit & quaelibet magnitudi-
A ne

... partem via aequali ...
vocarunt Anatomici.

In brutorum e. gr. canum, felium, vitulorum
&c. intestinis proprie tantum inveniuntur villi.
In hominum autem, imprimis juniorum, mem-
branulae potius conicae dantur, quae quum ra-
rius seriusque quondam observatae fuerint, no-
men Villorum retinuerunt.

§. II.

Ad quemvis Villum (§. 1.) ex vasis majori-
bus tunicae vasculosae (*vid. Albini descriptio
intestin. tenuium*) procedit

1. Ramusculus vasis lactei valvulis munitus.
2. Rami arteriolarum.
3. Venula quaedam.
4. Nervus.

1^{mo}. Vidi in cadaveribus, lacte copioso pau-
lo ante mortem nutritis, vitioque pulmonum &
infarctu glandularum mesentericarum extinctis,
vasa lactea caseo repleta, & quidem longe ma-
jori copia, quam ipsa vasa sanguifera, quae simul
cera viridi & rubra impleveram: nec lactea haec
tantum in mesenterio vidi; quod saepius accidit;
sed

... in ipsa etiam tunica intestinorum vasa
Servo adhuc in liquore partem mesenterii infantis proxime ad intestini tubum abscissam, in qua tria haec vasorum genera videre licet distinctissime. Villosam nimirum cultro acutissimo a vasculosa exacte separavi, portiunculam deinde ejus, supra anulum metallicum extensam, ea sede, qua illi cohaeserat, microscopio examinavi, nactus sic opportunitatem exoptatissimam videnti ac discendi, ad singulum villum accedere raram tantummodo unum vasis lactei, valvulis aequae, ac vasa lactea majora, munitum, lacte turgentem & exinde propendentem.

Ratio quare in ejusmodi corporibus vasa lactea distinctius, quam in aliis, videantur, facile patet. Quum enim glandulae mesenterii obstructae ferum non nisi aegre transmittant, & huic in pulmonibus quoque resistentia major nascatur, caseoso crassamento infarcientur omnia vasa lactea tunicae vasculosae ad prima eorum principia usque. Moribundis aliquoties, ubi haec conditiones aderant, lac copiose potandum dedi, & fere semper successit experimentum.

2^{do}. Ut plurimum ex ramo arterioso & venoso tunicae vasculosae, qui villosi proximi erant, plu-

res arteriales, at una tantum vena, materie ceracea plena accedebant ad villum; aliquando tamen plures etiam venulas deprehendi.

Raro autem contingit ut, in eodem villo, arterias intrantes in villum alio colore, alio autem venam, impletas conspicerem; licet trecentis minimum vicibus arteriam mesentericam alio colore tincta materie, alio autem venam implevissem: via enim ex arteriis in venam nimis brevis est; ita ut vel ex hac in illam, vel ex illa in hanc, materies facillime eat redeatque.

4. Nervos ad villos accedere nemo negabit; nec eorum in his existentia alia demonstratione egere videtur, quam quae ab acutissimo intestinorum sensu & dolore depromitur. In vasculosa demonstrari adhuc quidem nervuli possunt, & microscopiis filamenta quaedam a vasis N. 1. 2. 3. distincta cernuntur; sed quomodo in villosam migrent & in hac terminentur, quis determinaverit?

S. III.

Ramusculus vasis lactei (§. 2. N. 1.) extenditur in ampullulam vel vesiculam ovulo haud abfimilem



exiguum microscopio detegitur.

Inveni villos in partibus quibusdam intestino-
rum (§. 2. n. 1. memoratorum) lacte caseoso
infarctos turgere. Vidi, separata tunica vasculo-
sa, in sede villosae hanc respiciente, lacteum (§. 2.)
abire in ampullulam caseo plenam. Si quis vero
foraminulum in apice hujus ampullulae invenire
velit, ei necessum est, ut portunculam intesti-
ni, cujus villorum cava distenta sunt lacte, &
mucus intestinalis nondum deterfus, supra annu-
lum metallicum parumper absque vi facta ex-
pandat, tum immittat in lagenulam vitream aqua
plenam, & microscopio objiciat.

Quod autem unum saltem adsit foraminulum
in cujusvis ampullulae apice, certo examine mi-
hi constat: interdum tamen, licet rarissime, plu-
ra, ut in papillis mammarum, vidisse memini.
Nec ratio latet, quare in lacte turgidis villis
foraminula haec tantum observentur. Scilicet di-
latato villo orificia isthaec exigua quoque dila-
tantur. Idem fit, si mucus intra villos relinqui-
tur, & pars intestini supra annulum extenditur:
quum enim hic mucus cum villis cohaereat, ho-
rum

...in aequis, quam intera foraminu-
lorum ab invicem diducantur.

s. IV.

Supra hanc vesiculam (§. 3.) rami arteriarum (§. 2. n. 2.) ad apicem ejus usque decurrentes, se dividunt in quam plurimos ramulos minores; ita ut dimidiam ejus superficiem serpentinis vasculis tegant.

Haec sic se habere in praeparatis nitidissimis microscopii ope cuivis demonstrare possum. Abscidi nempe portiunculam intestini, cujus villi optime impleti erant, eamque immisi in lagenulam vitream ex tubo ovali paratam & spiritu vini diluto plenam, quam hermetice figillatam conservo; ut dubitantem quemvis ipsa autopsia, quandoque libuerit, convincere valeam.

s. V.

Vascula haec arteriosa (§. 4.) ingrediuntur parte altera in venulas numero & magnitudine non multum differentes, quae omnes iterum in ramum unum ex villo exeuntem confluent. Eadem haec



...causis microscopio demonstrare
possum.

Diversis injectionum artificiiis tentavi implere minima villorum vasa arteriosa materie alio colore tincta, alio autem venosa. Inter innumera tantum meminisse juvat duarum syringarum, quas omni cura ipse confeceram ita, ut earum diametri eandem inter se rationem haberent, quam diametri Arteriae & Venae Mesentericae: ambas dextre inter se conjunxeram spe fretus, fore, ut materies ceracea in minimis distincta permaneret, si ope machinae hujus utraque vasa simul ac eodem tempore implem. Sed eventus, ut caeterorum tentaminum non respondebat voto; quoniam gradum caloris, cohaesionis &c. determinatum utrique materiei eodem tempore conciliare vix potui. Quotiescunque autem optime successerat injectio, materies ceracea in minimis aequaliter mixta erat, ut novo colore, nempe ex rubri & viridis mixtione orto, distincta vascula conspicerentur.

Tandem indefesso labore obtinui, quod volebam, sequentem in modum. Implevi primo materie rubra, satis consistente & magnum ignis gradum ad sui fusionem egente, arteriam mesen-

remanserent, i. e. non omnes vasa huc impacta
essent. Deinde per venam mesentericam injeci ma-
teriem viridem minori ignis gradu fluentem; ita
ut ea omnia, quae ante non impleta erant, quo-
que implerentur. Inde factum est, ut rubris &
viridibus maculis picta appareret superficies in-
terna intestini. Tunc examinavi microscopio
omnia loca, in quibus maculae rubrae & virides
sefe tangebant, & quam plurimos inveni villos,
quorum altera pars dimidia materie rubra, altera
viridi, impleta erat. •

Magis cohaerente & majori gradu caloris ad
sui fusionem egente materie usus sum pro reple-
tione arteriarum, tenuiore autem & facilius flu-
ente pro injectione venarum; tum ut mixtio ma-
teriei in minimis impediretur; tum ne id, quod
de materie rubra in arteriis haereret, per id,
quod in venas intraret, retropelleretur in majo-
ra vasa.

Ruifchius quidem, & alii post eum, imple-
vere intestinorum vasa materie ceracea, sic ut
nudo oculo tota superficies rubra appareret.
Sed nemo microscopiis haec vasa (§. 4. 5.) de-
mon-

... examine mini neut, vel p
tum rubra, vel integrum villum, tanquam con-
tinuum frustulum cerae, observavi. Nec mirum
videri id potest cogitanti, quod materies, qua
impleverunt, ne quidem in vasculis majoribus,
nudo oculo conspicuis, continenter, absque ul-
la interruptione cohaerere deprehendatur. De-
inde nec eorum materies etiam pigmento satis co-
piofo ac aequabiliffime misto tineta est: unde fit,
ut illud, gravius quippe, hinc inde in massulas
collectum ac praecipitatum haereat. Ut pluri-
mum vero vasa etiam ad villum accedentia (§. 2.
N. 2.) fracta & materiem ex his in villum ela-
psam deprehendi.

S. VI.

Nonnulli autem rami arteriarum & venularum,
(§. 4. 5.) descriptarum, trunculis his suis longe
minores, perforant bullulam lactei (§. 3.) & in
hanc apertis osculis hiant.

Impleo in Arteriam mesentericam materiem
ceraceam tenaciorem, ita ut redeat per venam me-
sentericam sat magna quantitate. Examino dein

C

mi-

impies per se una materie, quam prior, fluidiore nec magnum calorem ad sui fusionem requirente, arteriam vel venam mesentericam; ita ut ex una earum per alteram materies eat. Continuo impellere hanc usque dum intumescere incipit cavum intestinorum: quo aperto video rubere totam ejus superficiem internam; accuratius examinans villos flaccidos tenuium instar membranularum deprehendo. Microscopio autem adspiciens vascula (§. 4. 5.) omnia integra, nec in ullo quidquam rupturæ, invenio. Quod autem villorum cava non impleta sint, quum tamen materies colorata etiam in tractum usque intestinorum penetravit, non miror; quoniam materies nimium fluida per foraminula (§. 3.) facile exit. Sicco partem sic repletam, ac video quidem singula vasa majora & minora ad singulum villum pertinentia, sed in funiculum quasi corrugata. Anne ex his experimentis sequitur, ramos supra ampullulam lactei decurrentes (§. 4. 5.) da-

longe minores? nemo forsan negabit.

Nihilominus monendum mihi heic videtur, illegitimam esse eorum conclusionem, qui ajunt: Impleo arteriam; redit per venam materies; urgeo amplius hanc; turgent villi; intrat in cavum intestini cera: Ergo ex villis in cavum intestini vascula apertis osculis hiant. Nam si rumpantur arteriae (§. 2. N. 2.) ad villum accedentes, vel vascula (§. 4. 5.) descripta; nonne extravasata materies distendere villum tandemque rumpere potest? Si vero examinasti integri intestini, quod implevisti, superficiem internam, nec ullibi invenis deficientia vasa majora (§. 4. 5.), nec rupta quoque vasa (§. 2. N. 2.) deprehendis, tunc demum conclusio ista valebit. Haec autem demonstrare si nequis, quae ratio est, cur minora (§. 6.) adesse credas?

§. VII.

Uno tandem experimento, ast quod irritato conatu aepius repetendum erit, si quis accuratius adhuc videre cupiat, quae (§. 2. ad 6.) diximus, sequenti modo procedat. Sumat intestini partem

C 2

par-

accedere conantur : ibi autem , ubi arteria ad hanc partem accedit , in uno annulorum crenulam faciat , ita ut arteria libera , nec compressa , ad hanc partem accedere queat : tunc huic arteriae adliget tubulum exiguum , & huic canalem aliquot pedes longum , quem in situ ab horizontali non multum abscedente constitutum , materia non facile consistente , bene colorata , impleat : exponat dein partem intestini microscopio , & attente observando villos , tubum successive e situ horizontali ad perpendicularem dirigat : sic videbit jucundo spectaculo.

1^{mo}. Materiem intrare per arterias (§. 2. n. 2.) in villum.

2. Dare quam plurimos ramos serpentino modo decurrentes (§. 4.)

3. Ex his pergere ad totidem venulas (§. 5.)

4. Ex his ad venam ex villo exeuntem,

5. Tunc tandem per alia vascula minora (§. 6.) intrare in ampullulam lactei (§. 3.), distendere hanc, & demum

6. Exire per foramen in apice hujus patens.

§. VIII.

Ampullula vasis lactei, hæcenus descripta, intus repleta est substantia spongiosa.

Infles per arteriam vel venam mesentericam, partem intestini intra duos annulos metallicos interceptam; aditu arteriæ vel venæ libero manente, ut in experimento §. præcedentis; penetrabit ær per vasa (§. 6.) descripta in cavum villorum, distendet hos, & ex his per foraminula in apice bullularum exhibit. Si cessas flando, collabuntur iterum villi (ut §. 6. Experim 2.); sed si continuas, quod adplicatione follis facile fit, donec exsiccaveris, distenti manebunt. Tunc cultrò rasorio acutissimo finde villos, & videbis microscopio eorum cavum impletum esse materie quadam spongiosa vel cellulosa.

s. IX.

Sed maxime notandum, totam intestinorum tenuium superficiem internam non adeo villis oblitam esse, ut unus alterum basi sua perfecte tangat; sed potius interstitium intra singulos mane-

D

re:

In interstitiorum autem horum superficie, quae basi villorum parallela est, accuratius examinanti videre licet, oscula quam plurima aperta folliculorum, sive potius cava favis velut similia, in quorum parietibus, si successu optimo impleta fuerint vasa in villis, & probe elotum intestinum, ulterius semet conspicienda exhibent vasa quam plurima: in fundo autem eorumdem corpuscula quaedam rotunda albicantia positaprehenduntur.

Ut autem facilius isti folliculi, eorum vasa & quae fundum obsident, modo memorata corpuscula, inquirenti pateant; portiuncula quaedam intestinorum tenuium, bene elota, supra lamellam aliquam nigram extendi debet, ut villi ab invicem secedant: Immittatur deinde in lagenulam vitream parvam, ex tubo vitreo ovali paratam; ut examinari microscopio nostro ad objecta opaca accommodato queat: sic primo intuitu adparebunt folliculi, quos adesse diximus.



mus, & in totum parietibus, non totam
nimia extensione & rudiore contractione destructa
fuerint. Corpuscula autem rotunda albicantia in
fundo folliculorum sita difficilius ab hac parte vil-
losae videntur. Si autem dicto modo villosam
ea parte, quae cum vasculosa cohaesit, examina-
veris, facile & illa adparebunt.

An vero haec corpuscula alba sunt glandulae?
Examinavi ea microscopio, quo ad magnitudi-
nem duarum linearum aucta conspiciebantur, &
vera deprehendi esse corpuscula glandulosa, quae
prius, quum microscopio, quod ea sub dimidia
lineae magnitudine tantum fistebat, usus sum, ex
fallacia optica apparere tantum talia fere credidif-
sem. Sed vasa impleta & colore distincta in eis
non erant. Differunt autem folliculi ipsi non
multum ab iis, qui totam internam crassorum
intestinorum superficiem efficiunt, in quibus ta-
men corpuscula illa nebulosa rotunda nondum
observavi.

S. XI.

Vasculis ampullulae (g. 4. 5.) & folliculis (g.
10.) obducitur membrana quaedam, tenuis qui-
dem,

...quam imitarentur tantummodo venulae
cteorum (§. 3.) & vascula (§. 4. 5.) & vasa fol-
liculorum (§. praec.), membrana igitur interna pro-
prie dicenda esset.

Membranam hanc epidermidi abfimilem non
esse inde patet, quod si pars intestini, elota prius
& aperta, immittatur in aquam, & sat diu intra
hanc relinquatur vase clauso, membrana illa se-
cedat & non adeo facile putrescat, ac reliquum
intestinum. Est quoque haec membrana epider-
midi continuata: nam si caput infantis tam diu
in aqua relinquitur, donec secedat epidermis, si-
milis membrana cum hac cohaerens, de interio-
re oris, oesophagi, ventriculi & intestinorum
superficie secedit, hinc non immerito epidermis
interna nuncupanda.

s. XII.

In portiuncula intestini, in qua octodecim vil-
los numerabam, circa hos 80. folliculos (§. 10.)
deprehendi. Separata autem vasculosa a parte
altera, corpuscula albescentia, rotunda, in fundo
folliculorum sita, vasis cincta, aequabiliter per
to-



laëtae ampullulae ovalem (§. 3.) fieri potest) inveni centum quadraginta & quatuor. Ergo ad fingulum villum pertinent octo hujusmodi corpuscula, hinc & totidem folliculi.

s. XIII.

Cavernulae (§. 10.) si examinantur in violenta morte recentissime extinctis, inveniuntur non tantum ipsae plenae muco satis tenaci, sed hujus quantitas tanta est, ut ad apices etiam villorum ascendat.

s. XIV.

Mucus hic (§. praec.) dictus intestinalis secerni videtur vel ope vasculorum in parietibus folliculorum (§. 10.) conspicuorum, vel per corpuscula in fundo eorum sita (§. 10.).

Impleas materie fluidissima, bene colorata, optimo successu, arteriam vel venam mesentericam: exhibet ea per orificia vasorum in cava folliculorum (§. 10.) & ex his in tubum intestinalium. Ergo & dare poterunt mucum tenuiorem, qui parte subtilissima ope venularum absorbentium orbatus spissiore[m] adquirat consistentiam.

E

Ast

proveniat materies ? Injicio materiem vi determinata in arteriam vel venam mesentericam : intumescit intestinum. Aperio hoc, video materie distentum fuisse. Mucus autem intestinalis adhuc in folliculis suis haeret, & non video nisi apices villorum. Concludo inde materiem hanc ex villorum vasculis in cavum intrasse.

Injicio aliam fluidiorem adhuc materiem vi forte etiam majori : iterum distenditur intestinum : eo aperto clare cerno, mucum ex cavernulis suis expulsum reliquae materie innatare, ita ut interdum integrum tubum mucosum referat. Ergo concludo, partem materiae injectae per extrema vasorum in folliculis (§. 10.) vel corpusculorum (ibid.) profluxisse.

Secundo non tantum ex villis, sed ex folliculis etiam, effluere materiem (experim. §. 7. descripto) optime observatur.

En ergo veros muci intestinorum fontes ! Quae enim ab Anatomicis pro glandulis intestinorum, quibus haec mucum suum debeant, demonstratae sunt, & loca illa glandulosa Peyerii, circa finem ilei praecipue copiosiora, microscopiis invenio

nio

fortuna collecti & inter se cohaerentes, ibi vero spatia ab his vacua & extremis vasorum plene cernuntur. Non negabo quidem, praeprimis circa finem ilei, mucum tenuiorem copiosius secer-
cerni posse, si vasa in folliculis secernentia, vel extrema vasorum memorata, copiosiora & ampliora adsint: id quod experientiae & observationi convenire mihi quoque visum fuit: sed hic mucus modo erit ad lubricandas faeces, neutiquam vero ad illinendam totam intestinorum superficiem. Cur enim concipiam, si glandulis in intestinis hinc inde sitis mucus secretus debeat, hunc intra singulos villos se insinuare potius, quam in assumpta contactu suo inimica? Et quare ad finem ilei plures, quam in integro intestino positi erunt? Nonne propter faeces jam dum exsuccas & indurescentes; ut lubricatae valvulam facile transeant, nec laedant? Et quis certe Pey-
rianarum glandularum numerum considerans, hunc tantam mucii secreti quantitatem proferre posse sibi persuaferit?

10 aequale ponamus cubo $\frac{1}{7}$ lineae.

Cur per hypothefin determinem tantummodo villi cavum, ratio quaerenda est in diverfa magnitudine, figura diverfa in diverfis corporibus & flatibus eorum, praeprimis autem in impossibilitate determinandi, quantam cavi partem substantia spongiosa occupet, qua villi cavum repletum est. (§. 8.). Nec interesse multum pro scopo nostro, an exactissime hoc determinemus, ex fequentibus patebit.

§. XVI.

In unius lineae quadrato partis intestini ex adulto, quod contractum nec flatibus distentum erat, numeravi 25. villos. Latitudo hujus intestini erat 2. pollicum, longitudo autem integri intestini 10. pedum.

In intestinis juniorum numerus villorum neutiquam aequalis est numero eorundem in adultis; licet capacitatem cujusvis villi ex infante aequalem



nostrum menturam capiens invenerim.

Numeravi in peripheria intestini ex adulto villos circiter 100. Ex infante trium annorum tantummodo 50.

§. XVII.

Cujusvis fibrae intestinorum muscularis contractio & relaxatio minimum duabus vicibus in uno minuto primo absolvitur.

Constat experimentis in vivis animalibus institutis, cessare fere motum intestinorum peristalticum, si jejunium aliquamdiu passum fuerit animal: Quo magis autem victu recenter assumpto impletum fuerit, eo vividiores & crebriores esse dilatationem & contractionem intestinorum; ita ut hae vel quinque vicibus in eadem parte spatio minuti primi repetantur.

Ergo licitum erit assumere uno minuto primo quamvis fibram semel relaxari & contrahi de novo.

§. XVIII.

Fibra quaevis orbicularis & longitudinalis intestine.

F

te-

Simulac relaxantur quaedam nbrae intestinorum,
vel ope contentorum, quae a serie antecedente
fibrarum propelluntur, dilatantur; quum ex circu-
lo minore multo major fiat, & una orbicularium ab
altera secedat (per §. praec.) fieri; itaque non potest,
quin

1. Unus villus ab altero removeatur.
2. Quum inter singulos villos haereat & cum
his cohaereat humor admodum viscosus, sequi-
tur, ut villus ab altero removeri non possit,
quin latera villorum secedant, vel a se mutuo de-
trahantur.
3. Quod spongiosa materies in cavis villo-
rum, elasticitate quadam donata, sese restituat,
hinc cavi ampliationem adjuvet.
4. Quod apices villorum hoc quoque tem-
pore liberentur a muco (per princip. Physic.)
5. Foraminula in apice villorum existentia (§.
3.) aperiantur & majora fiant. Hinc:
6. Liquidissimum de cibis assumptis elabora-
tum, Chylus nempe, ex adhaesione penetret
per

per foramina in apice villorum, & haec ipsa adimpleat ac distendat, eo quidem magis, quo plus elongantur fibrae musculares.

7. Quod, quum rami arteriolarum (§. 4.) inter epidermidem internam (§. 11.) & ampullulam lactei (§. 3.) decurrentes, ex serpentino cursu in rectum magis mutantur & a compressione quoque liberentur; liquidum igitur arteriosum tenuissimum per ramos minores (§. 6.) in cava villorum hiantes, hoc tempore haec intret & Chylo admisceatur, hunc itaque, ut peregrinum adhuc, fluido corporis humani aliquo jam dum modo assimilet.

8. Quod quoniam e ramusculis arteriosis villorum (§. 4.) per venas (§. 5.) datur exitus liberrimus, vi arteriarum (§. 4.) per venas (§. 6.) nihil in cavum ampullulae intropellatur: Sed cum harum venularum extremitates (§. 6.) dilatato villo dilatentur quoque, igitur necessum est, ut ex cavo quaedam Chyli pars, vi adhaesionis, in has extremitates recipiatur, & quidem ea pars, quae magis per adhaesionem penetrare possit (per princ. Physic), biliosa nempe, quae nondum perfecte chylo commixta est.

9. Quod Villus, si perfecte impleatur, nanciscatur

Quando autem relaxationem hanc (§. 18.) contractio excipit, sequitur,

Ad se invicem accedere debere villos; quum ex circulo majori minor fiat: & quidem 1. propter figuram eorum (§. praec. n. 9.) accedent ad se mutuo extremitates, in quibus foraminula, per quae intravit Chylus, existunt: hinc haec ipsa claudi necesse est.

2. Quod arteriolae villorum minimae (§. 6.) in cavum villorum hiantes hoc tempore comprimantur.

3. Quod ea pars Chyli, quae venulas (§. 6.) intravit, ex his in majores venulas propellatur.

4. Omne lac in cavis villorum existens successive exprimatur in vas lacteum ex ampullula (§. 3.) propendens.

5. Quum Lac ex cavo villorum, utpote spatio majori, in vas lacteum minus impellatur, mixtio prima hujus fiat.

6. Villus nanciscatur figuram membranularum conicarum. (§. 1.)

§. XXI.

...nova et novarum muscularium, tam orbicularium, quam longitudinalium, relaxatio, Chylus, qui in praecedente contractione ex villis in lactea propulsus erat, ex his in illos redire nequit; quoniam (per §. 2. n. 1.) in lacteis, proxime ad ampullulas; valvulae copiosissimae inveniuntur, quae retrogressum denegant: potius ergo necessum est, de novo eadem fieri, quae (§. 19.) dicta sunt. Quod si autem deinceps nova contractio fiat, ea ipsa quoque, quae (§. 20.) demonstrata sunt, iterum evenire eadem lege debent.

§. XXII.

In fidem eorum, quae (§. praeced.) adtuli, liceat commemorare, quae recentissime ope Microscopii, quod in usus Anatomicos inveni ac conficiendum curavi, a me observata sunt.

Juniorum nempe animalium vivorum, Canum v. g. Felium, Murium, Mesenteria attente contemplanti Lactis per vasa lactea propulsio pluries

G

ea

protrudi motu quam manifestissimo , intestinis contra paulo post dilatatis, omnem istum lactis motum cessare conspexerim. Qua observatione liquet, contractionem intestinorum maximi momenti esse ad Chyli , tempore relaxationis intra villos recepti , propulsionem in vasa lactea ; sic undam velut unda pelli , & constantem inde haberi chyli semel villis absorpti determinationem versus vasa lactea , ope contractionis fibrarum intestinalium.

Id ipsum tamen non adeo in conspectum venit, nisi cum , vita ejusmodi animalium languente , motus peristalticus pariter elanguescit. Quod si contra etiamnum vegetus is est , Lac in vasis Lacteis , quae intestinis proxima sunt , motu semper aequabili fertur , neque alternam illam quietem ac propulsionem ostendit : quod facile tum ex numero contractionum intra datum tempus auctiore , tum ex majore earundem vi explicari potest.

S. XXIII.

Quum autem cujuslibet villi cavum aequale
fit

ta intestin contracti ex adulto deprompti den-
tur villi XXV. (§. 15.); latitudo autem hujus
tubi intestinalis fuerit pollicum duorum, longi-
tudo vero octodecim pedum: sequitur numerum
omnium villorum fuisse 500000., capacitatem au-
tem eorum simul sumtorum aequasse quatuor di-
gitos cubicos.

§. XXIV.

Qualibet itaque totius intestini tenuis contra-
ctione, quantitas (§. pracc.) indicata in lactea, &
ex his in ductum thoracicum, propellitur.

Quum autem contractio ista quolibet minuto pri-
mo duabus vicibus absolvatur (§. 16.); intra ho-
ram, ope villorum, ad massam sanguinis adferri po-
terit fluidum lacteum aequale 480. digitis cubi-
cis: Hoc est: si cubus lactis unius digiti sit aequalis
5 drachmis medicis, 25 librae medicae spatio ho-
rae eo deferentur.

Nec multum referre, an exacte cavum villorum
determinatum fuerit (§. 15.), ex modo dictis pa-
tet. Ponamus enim duplo majus acceptum fuis-
se: eadem tamen quantitas villorum ope propel-


... nos tum villorum, tum contractionum fibrarum muscularium, numerum iusto minorem assumpserimus.

Narravit mihi amicus veritatem amans, se vidisse ab octo bibonibus, intra duas horas, exhaustas fuisse cerevisiae tenuioris admodum diureticae, quam *Ducstein* vocamus, octoginta & ultra lagenas vel mensuras.

Neque id porro mirum videbitur iis, qui hucusque de vi absorbente intestinorum tenuium a nobis demonstrata considerant. Patuit enim incredibilem fere ingesti fluidi tenuioris quantitatem, ope villorum, ex cavo intestinorum, exiguo temporis spatio exhauriri ac in sanguinem propelli posse; maxime si strenua sub computatione nova continuo ingesti copia, a tergo urgens, paulo ante ingestum jugiter protruserit.

s. XXV.

(§. 19. n. 7. 8.) diximus, arteriolas minimas
in cava villorum penetrantes tenuissimam suorum
humorum partem eo infundere ac chylo ibidem
recepto admiscere, venulas contra, quae in haec
ipsa hiant, ejusdem chyli aliquam portionem ab-
sorbere; visum est, coronidis loco, experimen-
tum addere, quod, uti facillima opera institui
potest, ita huic rei illustrandae perquam apposi-
tum esse existimo.



Fiat ex aurichalco tubus incurvus, ex conico
convergente in divergentem abiens, qualem icone

H

heic



gentem merito. Cumbe notum ramulorum sup-
ponatur receptaculum aliquod aut pelvis, ut ra-
mulus (G. C.) extremo suo (C.) in pelvim
(D.), ramulus (H. F.) suo extremo (F.) in
pelvim (E.) propendeat. His ita paratis, inji-
ciatur, siphonis ope, vi determinata, liquidum
quoddam, v. g. aqua, in tubi aperturam (A.):
videbis id tum de lumine tubi opposito (B.),
tum ex orificio ramuli (G. C.) in suppositam pel-
vim (D.) profluere; dum interim ejus nihil per
ramulum (H. F.) in suppositam pelvim (E.)
effundetur. Porro: in pelvim (E.) immittatur
aqua colorata, ut extremum tubi (H. F.) intra
eam demersum sit: quodsi tum, uti supra, aquam
simplicem per aperturam tubi (A.) projeceris,
fiet, ut aqua tincta intra ramulum (H. F.) ab-
repta adscendat in cavum tubi, atque aquae sim-
plici commista, una cum hac, per aperturam
(B.) effluat.

Sit itaque pars tubi (A. G.) arteriola ad vil-
lum accedens, atque super eo ad apicem usque
decurrens: sit ramulus (G. C.) ramulus istius ar-
terio-

trans: ut pars tubi (B. H.) venula super villo
constituta, arteriolae priori per (G. H.) conti-
nuata: ramulus autem (H. F.) repraesentet veno-
sum ramulum in cavum ampullulae lactei hiantem.
His positis sequitur ex modo adducto experimen-
to, sanguinis in arteriam (A.) propulsi aliquam
partem tenuiorem, ac diametro proportionatam,
per ramulum (G. C.) in cavum ampullulae pro-
trudi; reliquum per anastomosis arteriae & ve-
nae (G. H.) in venam (B.) ferri; per ramulum
autem venosum (F. H.) aliquam partem illius
liquidi chylosi, lymphatici, quod cavo ampul-
lulae continetur, eadem vi in venulam (H. B.)
attrahi atque cum ea humorum massâ, quae in
hac fluit, permisceri. Quodsi itaque villi com-
primantur (§. XX.), compressis simul eorundem
arteriis (ibid. n. 2.), humorum nihil pro eo
tempore vel in arteriam (A. G.) vel in ejus ra-
mulum (G. C.), vel in venam (H. B.) per a-
nastomosis (G. H.) pervenire poterit. Ubi au-
tem paulo post villorum parietes a se mutuo re-
moventur (§. XIX.), liberras itidem restituitur
tum arteriis, tum venis eorundem, (ibid. n. 7.),
atque chylo in cavum ampullulae recepto adfun-

vum manes, & utriusque liquoris pars aliqua
per ramulum (F. H.) in venulam (H. B.)
promovebitur. Hisce putem luculentissime de-
monstratam esse, quam utrique huic vasorum ad
villos accedentium generi (§. XIX.) adscripsi, a-
ctionem, ut nullus dubitationi locus porro relin-
quatur.

F I N I S.



E X.



TABULA I.

FIG. I. *Icone prima, minore, repraesentatur particula intestini Ilei, cujus arteriae rubra, venae viridi cera repletae sunt, prout nudo oculo conspicitur. Sedes illa eminentior, quam in ejus superficie cernere licet, est valvula Kerkringiana, quae partē inferiore velut in furcam discedit.*

FIG. II. *Hujus Furculae eam partem, quae spectatoris dextrum latus respicit, Icon major, altera, exhibet lenticula microscopii sex linearum pedis Londinensis repraesentatam, a Pictore ac Sculptore, utrisque in sua arte praestantissimis, quam exactissime expressam.*

Lagenulae vitreae immisi banc intestini Ilei particulam, ejusque superficiem villosam, charta inter oppositum lagenae latus & averSAM particulae istius sedem intrusa, ad proximum latus lagenae leniter adpressam detinui, ut Villi hac encheiresi a se mutuo discedentes ac reflexi

naque in margine & utrimque
dietae circiter duodecim Villi inveniebantur,
quorum arteriae ac venae optime repletae erant;
eam ob causam istos potissimum in foco micro-
scopii reposui ac depingendos curavi.

Quicumque Villorum descriptionem hoc opu-
sculo traditam attentius perlegerit, ei haud
difficile erit in Icone ista distinguere, quibus-
nam locis Villi exhibeantur. Parte infima, a
dextris, Villorum quidam praecipue conspicuus
est, cui itidem apice suo alter incumbit a reli-
quis facile discernendus. Alii difficiliter pau-
lo ex Icone dignosci possunt; clarissime autem
in objecto ipso, ope microscopii, deteguntur.
In parte Iconis suprema & infima apices
Villorum spectare licet; ut qui, ob eminens
dorsum Valvulae Kerkringianae, hac ad super-
ficiem lagenulae adpressa, non item, ut qui in
medio sunt, pressi atque ad latus reflexi, libe-
re superne ac inferne fluctuant.

Neque Iconis istius circumscriptio, haud re-
spondens circumferentiae Iconis prioris, offen-
dere quemquam debet: non enim, nisi margi-
nes

tem ex professo non tractet, operam tamen suam in his Iconibus aeri incidendis nobis benigne locare haud gravatus est, dexteritate singulari venulas Villorum ab arteriolis discernendas praebuit; dum illis, praeterquam quod arterias crassitie superent, etiam paulo opaciorum, quam arteriis, umbram adsudit: prout viridis color, rubro minus liquidus, pariter ex artis regulis poscebat.

T A B U L A II.

Hac Icone Villos ipsos demonstrare animus non est; quum perpendiculariter in eos desigatur oculus, adeoque apices tantum ipsorum, ac vascula in his reptantia, nonnihil ad latus depressa, conspiciere possit. Folliculos potius glandulosos, qui in ambitu Villorum siti sunt, ostendimus. Nec difficile est hos a Villis discernere. Parte infima tam spissè Villi Villis accumbunt, ut Folliculos interpositos conspiciere non detur.

Notari autem velim, aequè in hac Icone,

in priore, Ampullas Lucetorum nemquam repletas, sed prorsus vacuas esse; ut ideo Villi membranulas tantum flaccidas manesque referant. Nunquam mihi arteriarum venarumque simul in eodem Intestini segmento, aut & solarum arteriarum in Villis distributarum repletio pulchrius ac magis ex voto successit, quam cum forte fortuna intestinorum aliquam partem Volvulo susceptam inveni: quum enim vascula minora partis interceptae tenuiorem sanguinis rubri portionem continerent, Villorum autem cavula prorsus omni lacte vacua essent; potuit hinc iis sub conditionibus injectio felicissime evenire.

Præterea animadvertendum est, Villos a se invicem haud accurate visu distingui in Icone posse; quia perpendiculariter in oculum incidunt: inde, qua sede in objecto ipso duo, tres, aut quatuor etiam singulares Villi erant, ibi pictura membranulae velut speciem tantum exprimit. Quodsi animus fuisset Villos omnes quam distinctissime atque seorsim singulos proponere, intestini istam particulam paulo magis ad latus extendere debuissim: tum vero Folliculorum conspectum
tur-

T A B U L A III.

Tandem Villosae intestinorum tunicae eam superficiem, qua Vasculosae adhaeret, haec Icon proponit. Cernere heic est, corpuscula illa albicantia rotunda, quae in Icone priori fundum folliculorum occupabant. Praeparata tamen quaedam deinceps acquisivi, in quibus distinctius, quam in hoc ipso, comparent. Insuper ramuli arteriarum venarumque heic conspicui sunt, pariter crassitie ac umbra sua, ut supra dixi, facillime inter se dignoscendi. Grandiores crassioresque illi trunculi, quos Icon exhibet, cum vasis vasculosae continui fuerunt; reliqui autem tenuiores ramuli, Villosam penetrantes, ad Villos procurrunt. Venae pauciores, plures longe arteriolae in Villosam se demergunt. Neque tamen hac Icone demonstrari exacte potuerunt ea vascula, quae de hac sede Villosae ad quemlibet Villum progrediuntur: alioqui enim necessum fuisset, hanc Tunicam, ut diaphanam, depingere: at tum

K

glan-


gigantesco corpore non viderentur: non possunt,
ut quae, tanquam obiectum opacum, non nisi
concavo microscopii speculo illustrata ope len-
tis detegi possunt.



Icon. I.



Icon. II.



Fulke Beccles pinax

Leveet J. H. D. Sculptor





Falke Borelen porosit.

L'ornet F. H. D. Sculpteur.

